



Klub poslanika Naša stranka – Nezavisni blok

Broj:
Sarajevo, 7.1.2021. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIJENO: 07-01-2021			
Organizaciona jedinica	Klasifikaciona oznaka	Redni broj	Broj priloga
01-50-1	1	95/21	

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r gđa. Borjana Krišto, predsjedavajuća

Na osnovu člana 8. Poslovnika Predstavničkog doma Parlamentarne skupštine BiH, podnosimo

POSLANIČKU INICIJATIVU

Kojom se traži od Vijeća ministara Bosne i Hercegovine da izdvoji sredstva za izgradnju nove zgrade Doma zdravlja Bihać u minimalnom iznosu od 2.000.000,00 KM.

OBRAZLOŽENJE

Razorni zemljotres u Petrinji i okolnim mjestima osjetio se snažno i na području Grada Bihaća i, između ostalih, nanio velike štete posebno Domu zdravlja Bihać.

Prema preliminarnom pregledu stanja objekata Doma zdravlja Bihać, nakon zemljotresa od 29.12.2020.godine, zgrada doma zdravlja stavljena je van funkcije, a za korištenje se preporučuju samo prizemlje i prvi sprat blokova A i C, dok blok D nije preporučen za korištenje prije detaljne analize stanja.

Procijenjeni troškovi vraćanja konstrukcije (što uključuje i instalacije) u stanje prije zemljotresa mogu iznositi prema procjeni stručnjaka koja je već obavljena oko 3.800.000,00 KM. Troškovi ozbiljne rekonstrukcije sa aspekta povećanja protupotresne sigurnosti sa mjerama rasterećenja objekta procijenjeni su na 4.300.000,00 KM.

Međutim, trenutno ne postoji mogućnost provjere stanja temelja postojećih objekata, zbog čega bi, u slučaju novog zemljotresa moglo doći do ponovnog urušavanja objekata i dodatnih šteta kako materijalnih, tako i ljudskih života koje smo ovaj put izbjegli. Stoga se prema preporukama stručnih lica procjenjuje da je bolje graditi novi objekt doma zdravlja, nego ulagati u rekonstrukciju.



Klub poslanika Naša stranka – Nezavisni blok

Troškovi izgradnje novog objekta (cca. 5.000 m²) na drugoj i sigurnijoj lokaciji iznosili bi prema procjenama stručnih lica oko 6.000.000,00 KM.

Zdravstvena ustanova Dom zdravlja Bihać je jedna od najvažnijih zdravstvenih ustanova Grada Bihaća, jer ne samo da pruža usluge primarne i konsultativne zdravstvene zaštite za stanovnike Grada Bihaća, za više od 50.000 osiguranika, već pruža i specijalističke usluge zubozdravstvene zaštite, vanbolničku biohemiju i hematologiju, radiološku i ultrazvučnu dijagnostiku. Osim toga, DZ Bihać najvažnija je ustanova za preventivne akcije u području zdravlja stanovništva, a posljednje tri godine nosi se i sa zdravstvenim potrebama migrantske populacije koja sve ove usluge dobivaju upravo u ovoj ustanovi.

S poštovanjem,

Predrag Kojić

Mirjana Marinković-Lepić

Aida Baručija

Damir Arnaut

Poslanici u Predstavničkom domu
Parlamentarne skupštine Bosne i Hercegovine